

皇极典

皇極典第一卷

皇極總部彙考

易經 乾卦

九五飛龍在天利見大人

本義剛健中正以居尊位如以聖人之德居聖人之位故其象如此

彖曰大明終始六位時成時乘六龍以御天

本義此言聖人大明乾道之終始則見卦之六位各以

時成而乘此六陽以行天道是乃聖人之元亨也

首出庶物萬國咸寧

程傳

天爲萬物之祖王爲萬邦之宗乾道首出庶物而萬彙亨君道尊臨天位

而四海從王者體天之道則萬國咸寧也

象曰飛龍在天大人造也

本義造猶作也

大全進齋徐氏曰龍以飛而在天猶大人以作而居位

文言曰聖人作而萬物覩

本義

聖人人類之首也故興起於上則人皆見之

繫辭下

聖人之大寶曰位

全大

白雲郭氏曰聖人得崇高之位然後成位乎中而贊化育故以位爲大寶非

古今圖書集成
聖人自以爲寶天下有生幸聖人之得位以蒙其澤故天下以爲寶也

說卦傳

乾爲天爲君

太沙隨程氏曰爲君居上而覆下也

書經 商書仲虺之誥

惟天生民有欲無主乃亂惟天生聰明時乂

孔傳民無君主則恣情欲必致禍亂天生聰明是治民

亂

湯誥

惟皇上帝降衷于下民若有恆性克綏厥猷惟后

孔傳順人有常之性能安立其道教則惟爲君之

道

太甲下

一人元良萬邦以貞

蔡傳貞正也一人者萬邦之儀表一人元良則萬邦以正矣

周書泰誓上

惟天地萬物父母惟人萬物之靈亶聰明作元后元后作民父母

蔡傳天地者萬物之父母也萬物

之生惟人得其秀而靈具四端備萬善知覺獨異於物而聖人又得其最秀而最靈者天性聰明無待勉強其知先知其覺先覺首出庶物故能爲大君於天下而天下疲癯殘疾得其生鰥寡孤獨得其養舉萬民之衆無一而不得其所爲則元后者又所以爲民之父母也

天佑下民作之君作之師惟其克相上帝寵綏四方

蔡傳天助下民爲之君以長之爲之師以教之

君師者惟其能左右上帝以寵安天下

洪範

五皇極皇建其有極斂時五福用敷錫厥庶民惟時厥庶民于汝極錫汝保極

蔡傳皇君建立也極

猶北極之極至極之義標準之名中立而四方之所取正焉者也言人君當盡人倫之至語父子則極其親而天下之爲父子者于此取則焉語夫婦則極其別而天下之爲夫婦者于此取則焉語兄弟則極其愛而天下之爲兄弟者于此取則焉以至一事一物之接一言一動之發無不極其義理之當然而無一毫過不及之差則極建矣極者福之本福者極之效極之所建福之所集

也人君集福于上非厚其身而已用敷其福以與庶民使人人觀感而化所謂敷錫也當時之民

亦皆于君之極與之保守不敢失墜所謂錫保也言皇極君民所以相與者如此也

大朱子曰皇

指人君極便是指其身爲天下做箇樣子極有湊會之義所謂三十輻共一轂斂福錫民聖人亦

豈別有福以錫之只取則于此各正其身順理而行則爲福也孟子謂君仁莫不仁亦此意皇者

君之稱也極者至極之義標準之名常在物之中央而四外望之以取正焉者也故以極爲在中

之準的則可而便訓極爲中則不可若北辰之爲天極脊棟之爲屋極其義皆然而禮所謂民極

詩所謂四方之極者于皇極之義爲尤近今以余說推之則人君以眇然之身履至尊位四方輻

輳面內而環觀之必有天下之絕德而後可以立至極之標準故必順五行敬五事以修其身厚

八政協五紀以齊其政然後至極之標準卓然有以立乎天下之至中使夫面內而環觀者莫不

于是而取則焉語其仁則極天下之仁而天下之爲仁者莫能加也語其孝則極天下之孝而天

下之爲孝者莫能尙也是則所謂皇極者也由是而權之以三德審之以卜筮驗其休咎于天考

其禍福于人如挈裘領豈有一毛之不順哉此洪範之疇所以雖本于五行究于福極而必以皇

極爲之主也皇建其有極云者則以言夫人君以其一身而立至極之標準于天下也斂時五福用敷錫厥庶民云者則以言夫人君能建其極則爲五福之所聚而又有以使民觀感而化焉則是又能布此福而與其民也惟時厥庶民于汝極錫汝保極云者則以言夫民視君以爲至極之標準而從其化則是復以此福還錫其君而使之長爲至極之標準也

凡厥庶民無有淫朋人無有比德惟皇作極

蔡傳

言庶民與有位之人而無淫朋比德者惟君爲之

極而使之有所取正耳重言君不可以不建極也

凡厥庶民有猷有爲有守汝則念之不協于極不罹于咎皇則受之而康而色曰予攸好德汝則錫之福時人斯其惟皇之極

大

陳氏雅言曰時人卽指上三等之人言廣收樂育使皆知所以自勉

則人莫不觀感興起因其所已能而益勉進其未至皆歸于皇之極矣

無偏無陂遵王之義無有作好遵王之道無有作惡遵王之路無偏無黨王道蕩蕩無黨無偏王道平平無反無側王道正直會其有極歸其有極

蔡傳

王之義王之道王之路皇極之所由行也蕩蕩

廣遠也平平平易也正直不偏邪也皇極正大之體也遵義遵道遵路會其極也蕩蕩平平正直

歸其極也會者合而來也歸者來而至也

大朱子曰

以言夫天下之人皆不敢徇其己之私以從

乎上之化而會歸乎至極之標準也蓋偏陂好惡者己私之生于心者也偏黨反側者己私之見于事者也王之義王之道王之路王之化也所謂皇極者也遵義遵道遵路方會其極也蕩蕩平平正直則已歸極矣

曰皇極之敷言是彝是訓于帝其訓

蔡傳

敷言上文敷衍之言也言人君以極之理而反復推衍爲

言者是天下之常理是天下之大訓非君之訓也天之訓也

大朱子曰

以言夫人君以身立極而

布命于下則其所以爲常爲教者皆天之理而不異乎上帝之降衷也

凡厥庶民極之敷言是訓是行以近天子之光曰天子作民父母以爲天下王

大朱子曰

天子作

民父母以爲天下王云者則以言夫人君能立至極之標準所以能作億兆之父母而爲天下之王也不然則有其位無其德不足以首出庶物統御人羣而履天下之極尊矣

禮記 坊記

天無二日土無二王家無二主尊無二上

春秋緯 運斗樞

皇者天天不言四時行焉百物生焉三皇垂拱無爲設言而民不違道德元泊有似皇天故稱曰皇
皇者中也先也弘也含弘履中開陰布綱上合皇極其施光明指天畫地神化潛通煌煌盛美不可
勝量

孔演圖

正氣爲帝間氣爲臣

老子 象元

道大天大地大王亦大域中有四大而王居其一焉

法本

昔之得一者天得一以清地得一以寧神得一以靈谷得一以盈萬物得一以生侯王得一以爲天
下正其致一也

管子 法令

古今圖書集成

明倫彙編皇極典第一卷皇極總部彙考之四

明一者皇察道者帝通德者王

白虎通 號

皇者何謂也號也皇君也美也大也天之愬美大稱也時質故愬之也號爲皇者煌煌人莫違也煩一夫擾一士以勞天下不爲皇也不擾匹夫匹婦故爲皇

天牢



圖考

北極五星

按星經闕

按史記天官書中宮天極星其一明者太一常居也旁三星三公或曰子屬 按漢

書天文志同

環之匡衛十二星藩臣皆曰紫宮

按漢書天文志同十五星皆略其二

按晉書天文志北極五星

在紫宮中北極北辰最尊者也其紐星天之樞也天運無窮三光迭曜而極星不移故曰居其所而衆星拱之第一星主月太子也第二星主日帝王也亦太乙之座謂最赤明者也第三星主五星庶子也紫宮垣十五星其西蕃七東蕃八在北斗北一曰紫微大帝之座也天子之常居也主命主度也一曰長垣一曰天營一曰旗星爲蕃衛備蕃臣也

按北極五星帝后太子之名始見于此後此占候之家皆從之然星經殘闕而史遷世掌天官

乃若疑而未定隋丹元子步天歌始著其名號位次而晉隋二志皆修于唐或隋唐間別有所受名稱始定也

按隋丹元子步天歌中垣北極紫微宮北極五星在其中大帝之座第二珠第三之星庶子居第一

號曰爲太子四爲后宮五天樞左右四星是四輔天乙太乙當門路左樞右樞夾南門左八右七十有五上少宰兮上少弼上少衛兮少丞數前連左樞共八星後邊門東大贊府少尉上輔少輔繼上

衛少衛上丞比以及右樞共七星兩藩營衛于斯至
同而左右樞十五星及北極五星則與步天歌皆合

按新法曆書圖紫垣內外星多寡或不盡

太微帝座圖

軒轅

紫微

北斗

大角



圖考

五帝座

按星經五帝內座在華蓋下覆帝座也五帝同座也

按史記天官書南宮朱鳥權衡衡太微三

光之廷匡衛十二星藩臣西將東相南四星執法中端門左右掖門

按晉書天文志太微天子

庭也五帝之座也十二諸侯府也其外蕃九卿也一曰太微爲衡衡主平也又爲天庭理法平辭監

升授德列宿受符諸神考節舒情稽疑也南蕃中二星間曰端門東曰左執法廷尉之象也西曰右

執法御史大夫之象也執法所以舉刺凶姦者也左執法之東左掖門也右執法之西右掖門也東

蕃四星南第一曰上相其北東太陽門也第二星曰次相其北中華東門也第三星曰次將其北東

太陰門也第四星曰上將所謂四輔也西蕃四星南第一星曰上將其北西太陽門也第二星曰次

將其北中華西門也第三星曰次相其北西太陰門也第四星曰上相次亦曰四輔也按隋書宋


史天文志同按步天歌上元天庭太微宮昭昭列象布蒼穹端門只是門之中左右執法門西

東門左皂衣一謁者以次卽是鳥三公三黑九卿公背傍五黑諸侯卿後行四個門西主軒屏五帝

內座于中正幸臣太子并從官烏列帝後從東定郎將虎賁居左右常陳郎位居其後常陳七星不相悞郎位東陳十有五兩面宮垣十星布左右執法是其數宮外明堂布政宮三個靈臺候雲雨少微四星西南隅長垣雙雙微西居北門西外接三台與垣相對無兵災 按新法曆書圖多同帝座止一大星其二三四五皆闕

天市帝座圖

紫微



圖考

天市垣

按星經天市垣五十六星在房心北主權衡一名天旗

按史記天官書旗中四星曰天市

按宋史天文志天市垣二十二星在氏房心尾箕斗內宮之內京蕃十一星南一曰宋二曰南海三曰燕四曰東海五曰徐六曰吳越七曰齊八曰中山九曰九河十曰趙十一曰魏西蕃十一星南一曰韓二曰楚三曰梁四曰巴五曰蜀六曰秦七曰周八曰鄭九曰晉十曰河間十一曰河中象天王在上諸侯朝王王出皐門大朝會西方諸侯在應門左東方諸侯在應門右其率諸侯幸都市也亦然一曰在房心東北主權衡主聚眾又曰天旗庭主斬戮事

按步天歌下元一宮名天市兩面

垣牆二十二當門六個是市樓門右兩星是車肆兩個宗正四宗人宗星一雙亦依次市度兩星屠肆前候星偏在帝座邊帝座一星常光明四個微茫宦者星以次兩星名列肆斗斛帝前依其次斗是五星斛是四垣北九個貫索星索口橫著七公成天紀恰似七公形數著分明多兩星紀北三星名女牀此座還依織女傍魏趙九河中山繼齊吳越兮徐宿當東海與燕及南海宋國分明在左裝